



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Si ignoras te o pulchra inter mulieres, egredere & abi post uestigia
gregum: & pasce hœdos tuos ouxta tabernacula pastorum.

urn:nbn:de:hbz:466:1-34445

RVPERTI IN CANT. CANTIC. CA. I.

Si enim non nesciebat, quomodo quærens dolebat: dolens quærebat: Si autem nesciebat, quomodo uel quibus in corde suo conferebat: Ergo neq; a dextris, neq; a sinistris sermo sit, quia ueraciter magna hæc prophetissa, quid ageretur nõ ignorabat, quoniam gratia plena erat: & tamen dolens quærebat, quoniam dispensationi diuina ipso suo silètio seruiens, quamuis cum illis quærentibus quærebat, tempus tacendi custodiebat, & dolentibus condolebat, Quomodo autem dicenti, indica mihi, responsum est ex persona dilecti: Nam & per cunctatio & causa per cunctationis, melius cū responsione explanari poterit.

¶ Si ignoras te o pulchra inter mulieres, egredere & abi post uestigia gregum: & pascce hædos tuos iuxta tabernacula pastorum.

Pulchritudo Mariæ,
fides & Chumilitas.

Rom. 10.

¶ O pulcherrima mulierum, o benedicta inter mulieres, cuius pulchritudo bñdictio est, citius pulchritudo ipse benedictus fructus uentris tui est, talis ac tanta causa tua est, ut si teipsam non ignores, statim scias illud quod quæris, dicens: Indica mihi, ubi pascas, ubi cubes i meridie: nec uerendum tibi sit, ne uagari incipias per greges sodalium meorum, id est, per conuenticula quæ fiunt circa cathedras siue doctrinas scribarum & pharisæorum, qui sese mihi sodales siue pares faciunt, qui in cærimonijs suis iustificari uolunt, qui suam quærentes statuere iustitiam, iustitiae dei, quæ Christus est, subiecti non sunt. Quid enim? Vnde pulchritudinem istam acquisisti, ut sis pulcherrima mulier: ex fide & humilitate.

an ex operibus legis? Nonne ex fide & humilitate? Nam & beata quæ credidit, ait illa prophetissa, illa cognata tua Elizabeth, repleta gaudio, & exultans in spiritu sancto cum infante in utero suo. Beata (inquit) quæ credidit, quoniam proficiuntur ea quæ dicta sunt ei a dño: Non dixit, beata, quæ inuenta est in operibus legis. Ecce beatitudo ex fide. Tu quoque statim cecinisti. Quia respexit humilitatem ancillæ suæ, ecce enim ex hoc beatam me dicent omnes generationes. Et ecce beatitudo ex humilitate. Ergo ex fide & humilitate, imo fides & humilitas tota pulchritudo tua est, & hic est locus requietionis meæ. Locus in quo dilectus tuus pascendo & cubando, delicitur in meridie, id est, in hoc tempore plenæ gratiæ: quando figura iam præterita, res illustrata, umbra depulsa, sol ueritatis ascendit. ¶ Si hoc ignoras consequens est, quod dixi, egredere & abi post uestigia gregum, uidelicet eorum qui in lege uel in carne iustificari uolunt: & pasce hæc oves iuxta tabernacula pastorum, id est, carnales habe alumnos secundum imitationem superpredicatorum sodalium meorum: quorum omnium cuncti greges, non oues, sed hædi sunt: utpote a peccato suo non iustificati, imo in peccato suo morituri. ¶ Cui post hac licebit in carne gloriari? Ecce illi, quæ de carne sua uerbum carnem factum peperit, si ignorat se, subauditur, unde altissimo placuerit, dicitur, egredere & abi. Et in euangelio cum extollens uocem quædam mulier de turba, dixisset: Beatus uenter qui te portauit, & ubera quæ suxisti: quid responsum est ei? Quinimo, beati qui audiunt uerbum dei, & custodiunt illud.

Luca, I

Coloss, 2

Io 8.

Luca, II

RVPERTI IN CANT. CAN. CA. I.

Bea. ueter
te port.

Hæc enim causa principalis est effectiua beati-
tudinis, & sine hac beata non potuisset esse uel di-
ci. ¶ Attamen perseveranter & irrefragabiliter
dicimus: beatus uenter quæ portauit, & ubera
quæ suxisti & benedicimus, scientes quia hospi-
tium uentris sui, quod creatori suo præbuit, &
alimonia lactis sui, quod ori eius ministravit,
fide præciosa, & humilitate gratiosa communi-
uit, atque percarnauit, compleuit & custodiuit,
nullam habens unquam ignorantiam sui. Se-
quitur:

¶ Equitatus meo in curribus Pharaonis al-
simulauit te amica mea.

Equitatus
dñi uirga
Aaron.

¶ Hoc est, quod te nolo ignorare, & quod si rite
perpendis o amica mea, non ignoras te. Quis nã
fuit ille meus equitatus in curribus Pharaonis.
Vel quomodo in curribus Pharaonis? Magnũ &
mirũ spectaculum respicienti, inde currus Phara-
onis, hinc equitatum meum. Currus namq; Phara-
onis ualde multi, ferro armati, pleriq; etiã au-
ro uel argento insigniti fuerunt: equitatus autẽ
meus uirga una fuit, uirga Moysi & Aaron.

Exodi, 7.
&c.

Virga illa contra sublimes currus Pharaonis ta-
liter equitauit, hoc modo militauit. Primo, uer-
sa in colubrum deuorauit uirgas Magorum: de-
inde percussit aquas fluminis uertit in sanguinẽ de-
inde extensa super fluuios & super riuos ac palu-
des eduxit ranas super terram Aegypti, deinde
percussit puluerem terræ & facti sunt cyniphes
in hominibus & in iumentis, denique impleuit
domos Aegyptiorum muscis diuersi generis, de-
inde fecit ut morerentur omnia animalia Aeg-
yptiorum; & deinde facta sunt uulnera uesica